


Image not found

<https://letteraturaeuropea.let.uniroma1.it/sites/all/themes/business/logo.png>

Published on *Lirica Medievale Romanza* (<https://letteraturaeuropea.let.uniroma1.it>)

Home > MARCABRU > EDIZIONE > Lo vers comensa > Tradizione manoscritta > CANZONIERE A > Edizione diplomatica

Edizione diplomatica



[c. 28rA]

Marcabruns

L Ouers comenssa. El someill son antic
Segon sentenssa. De so qieu uei euic.Nai
sapienssa.Don ieu anc nom iauzic.Greu
puosc abric.Trobar ses maluolenssa.
Mais en baro.

Image not found

<https://letteratura.europa.let.uniroma1.it/sites/default/files/28rB.jpg>

[c. 28rB]

Tant creis durenssa. Calegren son li ric.
Auols cossensa. Fai sobremontar ric. So-
fren sofrenssa. Esdeuenon amic. Al uer
afic. Segon lapenedenssa. Nauran p(er)do.

Non sai que faire. Tant fort sui entrepres.
Qentorn la raire. Si fant uilan cortes.
Eil iust pechaire. Deso qenlor nones. Si
maiut fes. Tals mil en auzetz braire. Ca(n)c
res non fo.

Ges nomesclaire. Ni ofarai dest mes. Nio
dei faire. Pels fills q(ue) fant laides. Trop tem
maltraire. P(er) atendre sordeis. Mout nais
espes. Maluestatz desamaire. Senes razo.

Lo cors mesglaia. Ja non oclarai. Amors
ueraia. Troba greu fin assai. Qen lieis
non aia. Ca falsedat retrai. Contral sauai.
Es leu amors sauai. Ebona albo.

Mout pretz menaia. Damor q(ue) nomesfai.
Qes uertz egaia. Contra uert amic gai.
tant cant uol braia. Lausengiers osabai.
Qieu sai on iai. Lamors que no sesmaia
delor sermo.

Qui ses bauzia. Uol amor albergar. De cor-
tesia. Deu sa maion ionchar. Get fors feu-
nia. Efol sobreparlar. Pretz edonar. Deu
auer enbaillia. Ses ochaio.

Camors sembria. Lai on conois son par.
Blancha efloria. Epresta degranar. Ses
fellonia. Fai contramic ausar. Ops les qeis
gar. Cel cui bonamors guia. demespreiso.

Iouens someilla. Greu prendra mais re
uel. Epar qespeilla. Lo seignor daucadel.
Tot iorn conseilla. Ab son don chaut mor
sel. Pop del caissel. Maluestatz li pendeilla.
Al capairo.

Dolors mesueilla. De fresc edenouel. Cals
meraueilla. Que greu trob qui mapel.
maluestatz treilla. E iois torna enpaissel.

image not found
<https://letteraturaeuropea.let.uniroma1.it/sites/default/files/28vA.jpg>

[c. 28vA]

Al plus isnel. Ser tal uetz lonc laureilla.
Qel non ditz no.

D a qest flagel. Marcabrus si coreilla. Ses
compaigno.

- letto 4872 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatica-170>